

terrogáti, ubi Christus nasceretur, inexcusábiles fierent de adventu ejus.

R. Stella, quam viderant Magi in Oriénte, antecédabat eos, donec venirent ad locum, ubi puer erat. * Vidéntes autem eam, gavisí sunt gáudio magno. **V.** Et intrántes domum invenérunt púerum cum María matre ejus, et procidéntes adoravérunt eum.

— Vidéntes.

Lectio viij.

AT illi dixerunt ei : In Bétlehem Judææ. Librariórum hic error est. Putámus enim ab Evangelista primum editum, sicut in ipso Hebráico legimus, Judæ, non Judææ. Quæ est enim aliárum géntium Bétlehem, ut ad distinctionem ejus, hic Judææ poneretur? Judææ autem idcirco scribitur, quia est et alia Bétlehem in Galilæa. Lege librum Jesu filii Nave. Denique et in ipso testimonio, quod de Michææ prophetia sumptum est, ita habetur : Et tu Bétlehem terra Juda.

R. Vidéntes stellam Magi, gavisí sunt gáudio magno : * Et intrántes domum invenérunt púe-

rum cum María matre ejus, et procidéntes adoravérunt eum : * Et apértis thesáuris suis obtulérunt ei múnere, aurum, thus, et myrrham. **V.** Stella, quam viderant Magi in Oriénte, antecédabat eos, usque dum véniens staret supra ubi erat puer. — Et intrántes, Glória Patri. Et apértis.

Lectio ix.

ET apértis thesáuris suis, obtulérunt ei múnere, aurum, thus, et myrrham. Pulchérissime múnere sacraménta Juvéncus Présbyter uno versículo comprehendit : Thus, aurum, myrrham, Regique, homínique, Deoque dona ferunt. Et respónso accépto in somnis, ne redirent ad Heródem, per aliam viam reversi sunt in regiónem suam. Qui múnere obtulerant Dómino, consequénte respónsum accipiunt, non per Angelum, sed per ipsum Dóminum : ut meritórum Joseph privilégium demonstrarétur. Revertúntur autem per aliam viam : quia infidelitáti miscéndi non erant Judæórum.

Te Deum laudámus. 20.

Ad Bened. Aña. Omnes nationes * vénient a longe, portántes múnere sua, allelúia.

Ad Magnif. Aña. Omnes de Saba * vénient, aurum et thus deferéntes, allelúia, allelúia.

SEXTA DIE.

In I. Nocturno.

De Epístola ad Romános.

Lectio j.

Cap. xv.

EBémus autem nos firmióres imbecillitátes infirmórum sustinére, et non nobis placére. Unusquisque vestrum próximo suo placéat in bonum, ad ædificatió-nem. Etenim Christus non sibi placuit, sed sicut scriptum est : Improperia impropérantium tibi ceciderunt super me. Quæcúmque enim scripta sunt, ad nostram doctrinam scripta sunt : ut per patientiam et consolatió-nem Scripturarum, spem habeamus.

R. Tria sunt múnere pretiósá, quæ obtulérunt Magi Dómino in die ista, et habent in se divina mystéria : * In auro, ut ostendátur Regis potentia : in thure, Sacerdotem magnum considera : et in myrrha, Dominicam se-

pultúram. **V.** Salútis nostræ auctórem Magi veneráti sunt in cunábulis, et de thesáuris suis mysticas ei múnere species obtulérunt. — In auro.

Lectio ij.

DEus autem patientiæ et solátii, det vobis idípsum sápere in alté-utrum secúndum Jesum Christum : ut unánimes, uno ore honorificétis Deum, et Patrem Dómini nostri Jesu Christi. Propter quod suscipite invicem, sicut et Christus suscepit vos in honórem Dei. Dico enim Christum Jesum místrum fuisse circumsisió-nis propter veritatem Dei, ad confirmándas promissió-nes patrum : Gentes autem super misericórdia honoráre Deum, sicut scriptum est : Propterea confitebor tibi in Géntibus Dómine, et nómini tuo cantábo. Et iterum dicit : Lætámini Gentes cum plebe ejus. Et iterum : Laudáte omnes Gentes Dóminum, et magnificáte eum omnes pópuli.

R. In colúmbæ spécie Spíritus sanctus visus est, Paterna vox audíta est : * Hic est Fílius meus diléctus, in quo mihi bene

complacui. *℞.* Cœli aperti sunt super eum, et vox Patris intónuit. — Hic.

Lectio iij.

ET rursus Isaiás ait : Erit radix Jesse, et qui exsúrget régere Gentes, in eum Gentes sperábunt. Deus autem spei répleat vos omni gáudio et pace in credéndo : ut abundétis in spe, et virtúte Spíritus sancti. Certus sum autem fratres mei et ego ipse de vobis, quóniam et ipsi pleni estis dilectióne, repléti omni sciéntia, ita ut possítis alterutrum monére. Audácius autem scripsi vobis fratres ex parte, tamquam in memóriam vos redúcens : propter grátiam, quæ data est mihi a Deo, ut sim mínister Christi Jesu in Génitibus : sanctíficans Evangelium Dei, ut fiat oblátio Génitium accépta, et sanctificáta in Spíritu sancto.

℞. Reges Tharsis. 357.

In II. Nocturno.

Sermo sancti Fulgéntii Epíscopi. *Ex Serm. v. qui est de Epiphania, sub init.*

Lectio íb.

IPse Deus, qui sibi in véteri Testaménto primitias offérri mandávit, homo

natus Génitium primitias suo cultui dedicávit. Pastóres fuérunt primitiæ Judæórum : Magi facti sunt primitiæ Génitium. Illi de próximo addúcti, isti de longínquo redúcti. Ubi est, inquiunt, qui natus est Rex Judæórum? De Heróde rege Judæórum filii jam fuérant nati. Archeláus natus est in palátio, Christus in diversório. Archeláus natus est in lecto argénteo pósitus, Christus autem natus in præsépio est brevíssimo collocátus : et tamen ille natus in palátio contémnitur, iste natus in diversório quæritur : ille a Magis nullátenuis nominátur, iste inventus suppliciter adorátur.

℞. Illumináre, illumináre Jerúsalem, quia venit lux tua : * Et glória Dómini super te orta est. *℞.* Et ambulábunt Gentes in lúmine tuo, et reges in splendóre ortus tui. — Et glória.

Lectio v.

Quis est iste Rex Judæórum? Pauper et dives, húmilis et sublimis. Quis est iste Rex Judæórum, qui portátur ut párvulus; adorátur ut Deus? parvus in præsépio, im-

mensus in cœlo : vilis in pannis, pretiósus in stellis. Quid est quod sic turbáris Heródes? Rex iste, qui natus est, non venit reges pugnádo superáre, sed moriéndó mirábiliter subjugáre. Nec ídeo natus est, ut tibi succédát, sed ut in eum mundus fidéliter credat. Venit ergo, non ut pugnet vivus, sed ut triúmphet occisus.

℞. Omnes de Saba vénient, aurum et thus deferéntes, et laudem Dómino annuntiántes, * Allelúia, allelúia, allelúia. *℞.* Reges Tharsis et ínsulæ múnera ófferent, reges Arabum et Saba dona addúcent. — Allelúia.

Lectio vj.

Puer iste, qui nunc a Magis dicitur Rex Judæórum, idem Creátor est, et Dóminus Angelórum. Quaprópter cujus times infántiam nascéntis, magis timére debes omnipoténtiam judicántis. Noli eum timére regni tui successórem, sed time infidelitátis tuæ justíssimum damnatórem. Ite, inquit, et renuntiáte mihi, ut et ego véniens adórem eum. O callíditas ficta, o incredúlitas ímpia, o nequítia

fraudulénta! Sanguis Innocéntium, quem crudéliter effudísti, attestátur quid de hoc púero voluísti.

℞. Magi véniunt. 362.

In III. Nocturno.

Lectio sancti Evangelii secundum Matthæum.

Lectio vij. Cap. ij.

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicéntes : Ubi est qui natus est Rex Judæórum? Et reliqua.

Homília sancti Ambrósii Epíscopi.

Lib. 2. in Lucæ cap. ij. post initium.

QUÆ sunt ista veræ fidei múnera? Aurum Regi, thus Deo, myrrha defúncto. Aliud enim Regis insigne, aliud divínæ sacraméntum potestátis, aliud honor est sepultúræ, quæ non corrúmpat corpus mórtui, sed resérvet. Nos quoque, qui hæc audímus, et légitimus, de thesáuris nostris ferámus. Habémus enim thesáurum in vasis fictilibus. Si igitur in teípso quod es, non ex te debes aestimáre, sed ex Christo : quanto magis in Christo

non tua debes æstimare, sed Christi?

R. Stella, quam viderant Magi in Oriente, antecederat eos, donec venirent ad locum, ubi puer erat. * Videntes autem eam, gavisi sunt gaudio magno. **V.** Et intrantes domum, invenerunt puerum cum Maria matre ejus, et procidentes adoraverunt eum. — Videntes.

Lectio viij.

Ergo Magi de thesauris suis offerunt munera. Vultis scire quam bonum meritum habeant? Stella ab his videtur: ubi Herodes est, non videtur: ubi Christus est, rursus videtur, et viam demonstrat. Ergo stella hæc via est, et via Christus: quia secundum incarnationis mysterium Christus est stella. Orietur enim stella ex Jacob, et exsurget homo ex Israel. Denique ubi Christus, et stella est. Ipse enim est stella splendida, et matutina. Sua igitur ipse luce se signat.

R. Videntes stellam Magi, gavisi sunt gaudio magno: * Et intrantes domum invenerunt puerum cum Maria matre ejus, et procidentes adora-

verunt eum: * Et apertis thesauris suis obtulerunt ei munera, aurum, thus, et myrrham. **V.** Stella, quam viderant Magi in Oriente, antecederat eos, usque dum veniens staret supra ubi erat puer. — Et intrantes. **Gloria Patri.** Et apertis.

Lectio ix.

Accipe aliud documentum. Alia venerunt via Magi, alia redeunt. Qui enim Christum viderant, Christum intellexerant; meliores utique, quam venerant, revertuntur. Duæ quippe sunt viæ: una, quæ ducit ad interitum; alia, quæ ducit ad regnum. Illa peccatorum est, quæ ducit ad Herodem: hæc Christus est, qua redit ad patriam. Hic enim temporalis est incolatus, sicut scriptum est: Multum incola facta est anima mea.

Te Deum. 20.

Ad Bened. Aña. Venient ad te, * qui detrahebant tibi, et adorabunt vestigia pedum tuorum.

Ad Magnificat, Aña. Admoniti Magi * in somnis, per aliam viam reversi sunt in regionem suam.

—✠—

SABBATO.

INFRA OCT. EPIPHANIE.

AD VESPERAS.

Capitulum. Rom. xij.



Ratres, Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.

Hymn. et V. de Festo. 368.

Ad Magnificat, Aña. Remansit * puer Jesus in Jerusalem, et non cognoverunt parentes ejus, existimantes illum esse in comitatu: et requirebant eum inter cognatos et notos.

Oratio.

Vota, quæsumus Domine, supplicantis populi cælesti pietate prosequere: ut et quæ agenda sunt, videant, et ad implenda quæ viderint, convalescant. Per Dominum.

Deinde fit Comm. Epiph. per Añam quæ occurrit secundum ordinem dierum infra Octavam.

V. Omnes de Saba venient, alleluia. **R.** Aurum et thus deferentes, alleluia.

Nisi dicta sit Aña. Omnes de Saba venient. tunc enim legitur **V.** Adorate

Deum, alleluia. **R.** Omnes Angeli ejus, alleluia.

Oratio.

Deus, qui hodierna die Unigenitum tuum Gentibus stella duce revelasti: concede propitius, ut qui jam te ex fide cognovimus, usque ad contemplandam speciem tuæ celsitudinis perducamur. Per eundem Dominum.

DOMINICA

INFRA OCT. EPIPHANIE.

Totum Officium dicitur de Epiph., præter Lect., Capitula, Añas ad Bened. et ad Magnif. et Orat.

In j. Nocturno ponitur Epistola j. ad Corinthios, quæ inferius post Octav. habetur, 399. et legitur de ea sequentibus diebus. Lectiones vero, quæ aliquando supersunt de Epistola ad Romanos, eo anno prætermittuntur.

Quando Epiph. in Domin. venerit, Sabb. sequenti fit Offic. de Dominica, et Feria vj. Vesp. a Capit. de Domin. cum Comm. Oct.

In j. Noct. leguntur Lect. de Epistola ad Romanos ut infra. Epistola vero ad Corinthios tunc ponitur ipsa die Domin. in Officio Octavæ.

In I. Nocturno.
De Epistola ad Romanos.

Lectio j. Cap. xvj.

Quommodo autem vobis Phœben sororem nostram, quæ est in ministerio Ecclesiæ, quæ est in Cenchris : ut eam suscipiatis in Domino digne sanctis : et assistatis ei in quocumque negotio vestri indigerit : etenim ipsa quoque assistit multis, et mihi ipsi. Salutate Priscam et Aquilam adjuutores meos in Christo Jesu ; (qui pro anima mea suas cervices supposuerunt : quibus non solus ego gratias ago, sed et cunctæ Ecclesiæ Gentium) et domesticam Ecclesiam eorum.

℞. Hodie in Jordane baptizato Domino aperti sunt caeli, et sicut columba super eum Spiritus mansit, et vox Patris intonuit : * Hic est Filius meus dilectus, in quo mihi bene complacui. ℞. Descendit Spiritus sanctus corporali specie sicut columba in ipsum, et vox de caelo facta est. — Hic est.

Lectio ij.

Rogo autem vos fratres, ut observetis eos, qui dissensiones et offendi-

cula præter doctrinam, quam vos didicistis, faciunt, et declinate ab illis. Hujuscemodienim Christo Domino nostro non serviunt, sed suo ventri : et per dulces sermones, et benedictiones seducunt corda innocentium. Vestra enim obedientia in omnem locum divulgata est. Gaudeo igitur in vobis. Sed volo vos sapientes esse in bono, et simplices in malo.

℞. In columbæ specie Spiritus sanctus visus est, Paterna vox audita est : * Hic est Filius meus dilectus, in quo mihi bene complacui. ℞. Coeli aperti sunt super eum, et vox Patris intonuit. — Hic est Filius.

Lectio iij.

Salutat vos Timotheus adjutor meus, et Lucius, et Jason, et Sosipater cognati mei. Saluto vos ego Tertius, qui scripsi epistolam, in Domino. Salutat vos Cajus hospes meus, et universa Ecclesia. Salutat vos Erastus arcarius civitatis, et Quartus frater. Gratia Domini nostri Jesu Christi cum omnibus vobis. Amen.

℞. Reges Tharsis. 357.

In II. Nocturno.
Sermo sancti Leonis Papæ.

Serm. iv. de Epiphania.

Lectio ib.

Mustum et rationale, dilectissimi, veræ pietatis obsequium est, in diebus, qui divinæ opera misericordiae protestantur, toto corde gaudere, et honorifice ea, quæ ad salutem nostram gesta sunt, celebrare, vocante nos ad hanc devotionem ipsa recurrentium temporum lege, quæ nobis post diem, in quo coæternus Patri Filius Dei natus ex Virgine est, brevi intervallo Epiphaniæ intulit festum, ex apparitione Domini consecratum.

℞. Illuminare, illuminare Jerusalem, quia venit lux tua : * Et gloria Domini super te orta est. ℞. Et ambulabunt Gentes in lumine tuo, et reges in splendore ortus tui. — Et gloria.

Lectio v.

In quo fidei nostræ magnum præsidium providentia divina constituit : ut, dum solèmi veneratione recolitur adorata in exordiis suis Salvatoris infantia, per ipsa originalia documenta probaretur

veri hominis in Christo orta natura. Hoc enim est, quod justificat impios : hoc est, quod ex peccatoribus facit sanctos, si in uno eodemque Domino nostro Jesu Christo et vera Deitas, et vera credatur humanitas : Deitas, qua ante omnia sæcula in forma Dei æqualis est Patri : humanitas, qua novissimis diebus in forma servi unitus est homini.

℞. Omnes de Saba venient, aurum et thus deferentes, et laudem Domino annuntiantes, * Alleluia, alleluia, alleluia. ℞. Reges Tharsis et insulæ munerera offerent, reges Arabum et Saba dona adducent. — Alleluia.

Lectio vij.

Ad roborandum ergo hanc fidem, quæ contra omnes pronuntiabatur errores, ex magna gestum est divini pietate consilii, ut gens in longinqua Orientalis plagæ regione consistens, quæ spectandorum siderum arte pollèbat, signum nati pueri, qui supra omnem Israel esset regnaturus, acciperet. Nova etenim claritas apud Magos stellæ illustrioris apparuit, et in-

tuentium ánimos ita admiratióne sui splendóris implevit, ut nequáquam sibi crederent negligéndum, quod tanto nuntiabátur indício.

℞. Magi véniunt. 362.

In III. Nocturno.

Léctio sancti Evangélii secundum Lucam.

Lectio vii.

Cap. ij. f

CUM factus esset Jesus annórum duódecim, ascendéntibus illis Jerosólymam secundum consuetúdinem diéi festi, consummatisque diébus, cum redírent, remánsit puer Jesus in Jerúsalem. Et reliqua.

Homília sancti Ambrósii Episcopi.

Lib. 2. in cap. ij. Luc. in fine.



Duodécimo anno, ut légimus, Domínicæ súmitur disputatiónis exórdium. Hic enim prædicandæ fidei evangelizántium número debebátur. Nec otiose immemor suórum secundum carnem paréntum, qui secundum carnem útique sapiéntia Dei implebátur et grátia, post trídium reperitur in templo: ut esset indício, quia post trídium triumphális

illius passiónis, in sede cœlésti, et honóre divíno, fidei nostræ se suscitátus offérret, qui mórtuus credebátur.

℞. Stella, quam viderant Magi in Oriénte, antecédébat eos, donec venírent ad locum, ubi puer erat. * Vidéntes autem eam, gavisi sunt gáudio magno. ℞. Et intrántes domum, invenérunt púerum cum María matre ejus, et procidéntes adoravérunt eum. — Vidéntes.

Lectio viii.

Quid est quod me quærebátis? Duæ sunt in Christo generatiónes: una est patérna, matérna áltera. Patérna illa divínior; matérna vero, quæ in nostrum labórem usúmque descéndit. Et ideo quæ supra natúram, supra ætátem, supra consuetúdinem fiunt, non humanis assignánda virtútibus, sed divinis referénda sunt potestátibus. Alibi eum ad ministérium mater impéllit, hic mater argúitur, quia adhuc quæ humana sunt, éxigat. Sed cum hic duódecim describátur annórum, illic discipulos habére dicátur; vides matrem didicisse a filio, ne

exigeret a validióre ministérium, quæ stupébat in junióre miráculum.

℞. Vidéntes stellam Magi, gavisi sunt gáudio magno: * Et intrántes domum invenérunt púerum cum María matre ejus, et procidéntes adoravérunt eum: * Et apértis thesauris suis obtulérunt ei múnera, aurum, thus, et myrrham. ℞. Stella, quam viderant Magi in Oriénte, antecédébat eos, usque dum véniens staret supra ubi erat puer. — Et intrántes. Glória Patri. Et apértis.

Lectio ix.

ET venit Nazareth, et erat súbditus illis. Quid enim magíster virtútis, nisi officium pietátis impléret? Et mirámur, si Patri defert, qui súbditur matri? Non útique infirmitátis, sed pietátis ista subjéctio est: attóllat licet sævis emissus latebris cóluber perfídiæ caput, et serpentinis évomat venéna pectóribus. Cum dicit se Fílius missum, majórem hæréticus appéllat Patrem, ut imperfectum Fílium dicat, qui potest habére majórem: ut aliénis auxiliis ásserat eum,

qui míttitur, indigére. Numquid et humano egébat auxilió, ut matérno servíret impérió?

Te Deum. 20.

AD LAUDES,

et per Horas, Añæ.

1. Ante lucíferum géntus, * et ante sæcula, Dóminus Salvátor noster hódie mundo apparuit.

2. Venit lumen tuum * Jerúsalem, et glória Dómini super te orta est, et ambulábunt Gentes in lúmine tuo, allelúia.

3. Apértis thesauris suis * obtulérunt Magi Dómino aurum, thus, et myrrham, allelúia.

4. María et flúmina * benedicite Dómino: hymnum dícite fontes Dómino, allelúia.

5. Stella ista * sicut flamma corúscat, et Regem regum Deum demónstrat: Magi eam viderunt, et magno Regi múnera obtulérunt.

Capitulum. Rom. xij.

FRatres, Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum.

Hymnus.

O Sola magnarum urbium

Major Bethlem, cui contigit

Ducem salutis cœlitus
Incorporatum gignere.

Quem stella, quæ solis
rotam

Vincit decore, ac lumine;
Venisse terris nuntiat

Cum carne terrestri Deum.
Videre postquam illum

Magi,

Eoa promunt munera;
Stratique votis offerunt,
Thus, myrrham, et aurum
regium.

Regem, Deumque annuntiant

Thesaurus, et fragrans
odor

Thuris Sabæi, ac myrrheus
Pulvis sepulcrum prædocet.

Jesu, tibi sit gloria,
Qui apparuisti Gentibus,
Cum Patre, et almo Spiritu,
In sempiterna sæcula.

Amen.

℞. Adorate Deum, alleluia. ☩. Omnes Angeli ejus, alleluia.

Ad Bened. Aña. Remansit * puer Jesus in Jerusalem, et non cognoverunt parentes ejus, existimantes illum esse in comitatu:

et requirébant eum inter cognatos et notos.

Oratio.

VOta, quæsumus Domine, supplicantis populi cœlesti pietate prosequere: ut et quæ agenda sunt, videant, et ad implenda quæ viderint convaléscant. Per Dominum nostrum.

Deinde fit Commem. de Epiphania, Aña. Hódie cœlesti sponso juncta est Ecclesia, quóniam in Jordáne lavit Christus ejus crimina: currunt cum munéribus Magi ad regales nuptias, et ex aqua facto vino lætántur convivæ, alleluia.

℞. Omnes de Saba venient, alleluia. ☩. Aurum et thus deferentes, alleluia.

Oratio.

DEus, qui hodierna die Unigenitum tuum Gentibus stella duce revelasti: concede propitius, ut qui jam te ex fide cognovimus, usque ad contemplandam speciem tuæ celsitudinis perducámur. Per eundem Dominum.

AD TERTIAM.

Capitulum. Fratres, Obsecro. ut supra. 393.

℞. br. Reges Tharsis et insulæ munera offerent,

* Alleluia, alleluia. Reges. ℞. Reges Arabum et Saba dona addúcent. Alleluia, alleluia. Glória Patri. Reges.

℞. Omnes de Saba venient, alleluia. ☩. Aurum et thus deferentes, alleluia.

AD SEXTAM.

Capitulum. Rom. xij.

DIco enim per gratiam quæ data est mihi omnibus qui sunt inter vos: Non plus sapere quam oportet sapere, sed sapere ad sobrietatem.

℞. br. Omnes de Saba venient, * Alleluia, alleluia. Omnes. ℞. Aurum et thus deferentes. Alleluia, alleluia. Glória Patri. Omnes.

℞. Adorate Dominum, alleluia. ☩. In aula sancta ejus, alleluia.

AD NONAM.

Capitulum. Rom. xij. b

SIcut enim in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra in

Christo Jesu Domino nostro.

℞. br. Adorate Dominum, * Alleluia, alleluia. Adorate. ℞. In aula sancta ejus. Alleluia, alleluia. Glória Patri. Adorate.

℞. Adorate Deum, alleluia. ☩. Omnes Angeli ejus, alleluia.

AD VESPERAS.

Añæ et Capitulum. ut in Laudibus. 393.

Psalmi de Dominica. 150.

Hymnus.

CRudelis Herodes Deum Regem venire quid times?

Non eripit mortalia,
Qui regna dat cœlestia.

Ibant Magi, quam viderant,

Stellam sequentes præviam:

Lumen requirunt lumine:
Deum fatentur munere.

Lavacra puri gurgitis
Cœlestis Agnus attingit:

Peccata, quæ non detulit,
Nos abluendo sustulit.

Novum genus potentiae:
Aquæ rubescunt hydræ,

Vinumque jussa fundere,
Mutavit unda originem.

Jesu, tibi sit gloria,
Qui apparuisti Gentibus,
Cum Patre, et almo Spiritu,
In sempiterna sæcula.

Amen.

℣. Reges Tharsis et insulæ mûnera offerent.
 ℞. Reges Arabum et Saba dona addûcent.

Ad Magnif. Aña. Fili, quid fecisti * nobis sic? Ego et pater tuus dolentes quærebamus te. Quid est quod me quærebatis? nesciebatis quia in iis, quæ Patris mei sunt, oportet me esse?

Oratio. Vota. supra. 394.

Et fit Comm. de Epiph.

Aña. Tribus miraculis ornatum diem sanctum colimus: hodie stella Magos duxit ad præsepium: hodie vinum ex aqua factum est ad nuptias: hodie in Jordane a Joanne Christus baptizari voluit, ut salvaret nos, alleluia.

℣. Omnes de Saba venient, alleluia. ℞. Aurum et thus deferentes, alleluia.

Oratio. Deus. supra. 394.

Si Octava Epiphaniæ venerit in Dominica, nihil fit de Dominica in ipsa die Octava, sed tantum in j. Vesp. diei Octavæ fit Commem. pro ij. Vesp. Dñicæ infra Octavam, de qua celebratum est Offic. eo die, Aña. Fili, quid fecisti. ℣. Omnes de Saba. qui Versus etiam dicitur,

quando Octava Epiphaniæ venerit in Feria ij. pro Commem. Dominicæ in primis Vesperis diei Octavæ.

IN DIE OCTAVA.

EPIPHANIÆ.

Duplex.

In j. Vesp. omnia dicuntur sicut in j. Vesp. Epiphaniæ, 353. excepta Oratione, quæ dicitur ut sequitur.

Oratio.

Deus, cujus Unigenitus in substantia nostræ carnis apparuit: præsta quæsumus, ut per eum, quem similem nobis foris agnovimus, intus reformari mereamur. Qui tecum.

AD MATUTINUM.

Invit. Hymn. et Psalmi, ut infra Octavam: cetera dicuntur sicut in die Epiphaniæ, 354. præter Lect.

In j. Noct. leguntur Lect. de Epist. j. ad Corinthios, quæ occurrunt secundum superiorem Rubric. 389.

In II. Nocturno.

Sermo sancti Gregorii Nazianzeni.

Oratio in sancta lumina.

Lectio iii.

NON possum cohibere lætitiæ voluptatem, sed mente extollor, et afficior: et pro-

priæ pusillitatis oblitus, officium magni Joannis, imo potius famulatum subire contendo, ac gestio: et licet non sim præcursor, de eremo tamen venio. Christus ergo illuminatur, imo potius fulgore suo nos illuminat: Christus baptizatur, simul et nos descendamus, ut cum ipso pariter ascendamus.

℞. Illuminare, illuminare Jerusalem, quia venit lux tua: * Et gloria Domini super te orta est. ℣. Et ambulabunt Gentes in lumine tuo, et reges in splendore ortus tui. — Et gloria.

Lectio ii.

Joannes baptizat, et accedit Jesus, sanctificans quidem et ipsum, qui baptizat, præcipue tamen ut et veterem Adam sepeliat in aquis, et ante omnia, ut per hæc sanctificentur aquæ Jordani: ut sicut erat spiritus et caro, ita et his, qui baptizandi erant, in spiritu et aqua sanctificationis successio traderetur. Non suscipit Baptista, contendit Jesus. Ego, inquit, opus habeo a te baptizari. Lucerna dicit ad Solem, et vox loquitur ad Verbum.

℞. Omnes de Saba venient, aurum et thus deferentes, et laudem Domino annuntiantes, * Alleluia, alleluia, alleluia. ℣. Reges Tharsis et insulæ mûnera offerent, reges Arabum et Saba dona addûcent. — Alleluia.

Lectio iij.

Ascendit Jesus de aqua, secum quodammodo demersum educens et elevans mundum: et vidit non dividi cælum, sed aperiri, quod sibi ac nobis post se aliquando Adam ille concluserat; sicut et igneo gladio paradus fuerat conclusus. Spiritus sanctus testimonium perhibet: similia namque sibi ipsa concurrunt. De cælo testimonium defertur: inde enim erat ille, cui testimonium perhibetur.

℞. Magi veniunt. 362.

In III. Nocturno.

Lectio sancti Evangelii secundum Joannem.

Lectio iij.

Cap. j. d

In illo tempore: Vidit Joannes Jesum venientem ad se, et ait: Ecce Agnus Dei, ecce qui tollit peccatum mundi. Et reliqua.

Homilia sancti Augustini
Episcopi.

Tract. vj. in Joann. ante
medium.

An tequam veniret
Dóminus ut bapti-
zarétur a Joanne in
Jordáne, nóverat eum illis
vócbus, ubi ait : Tu ad me
venis baptizári? ego a te
debeo baptizári. Sed ecce
Dóminus nóverat, nóve-
rat Fílium Dei. Unde probá-
bamus quod jam nóverat,
quia ipse baptizáret in
Spíritu sancto? Antequam
veniret ad flúvium, cum
multi ad Joánnem curre-
rent baptizári, ait illis :
Ego quidem baptizo vos
in aqua : qui autem post
me venit, major me est :
cujus non sum dignus cor-
rígiam calceaménti sól-
vere : ipse vos baptizábit
in Spíritu sancto et igni.
Jam et hoc nóverat.

℞. Stella, quam viderant
Magi in Oriénte, antece-
debat eos, donec venirent
ad locum, ubi puer erat.
* Videntes autem eam,
gavisisunt gáudio magno.
℞. Et intrátes domum,
invenérunt púerum cum
María matre ejus, et proci-
dentes adoravérunt eum.
— Videntes.

Lectio viij.

Quid ergo per colúm-
bam didicit, ne men-
dax póstea inveniátur,
(quod avértat a nobis Deus
opinári) nisi quamdam
proprietátem in Christo
talem futúram, ut quam-
vis multi ministri baptiza-
túri essent, sive justí, sive
injústi, non tribuerétur
sáncitas baptísmit, nisi illi,
super quem descendit col-
úmbe, de quo dictum est :
Hic est qui baptizat in Spí-
ritu sancto? Petrus bapti-
zet, hic est qui baptizat :
Paulus baptizet, hic est
qui baptizat : Judas bapti-
zet, hic est qui baptizat.
Nam si pro diversitate
meritórum baptísma san-
ctum est : quia diversa
sunt mérita, diversa erunt
baptísmata : et tanto quis-
que áliquid mélius putá-
tur accipere, quanto a
melióre vidétur accepísse.

℞. Videntes stellam
Magi, gavisí sunt gáudio
magno : * Et intrátes
domum invenérunt púe-
rum cum María matre
ejus, et procidentes adora-
vérunt eum : * Et apértis
thesáuris suis obtulérunt
ei múnera, aurum, thus,
et myrrham. ℞. Stella,

quam viderant Magi in
Oriénte, antecedebat eos,
usque dum veniens staret
supra ubi erat puer. — Et
intrátes. Glória Patri. Et
apértis.

Lectio ix.

Ipsi sancti, (intelligite
fratres) boni pertinén-
tes ad colúmnam, perti-
nentes ad sortem civitátis
illíus Jerúsalem, ipsi boni
in Ecclésia, de quibus dicit
Apóstolus, Novit Dóminus
qui sunt ejus ; diversárum
gratiárum sunt, non om-
nes pária mérita habent.
Sunt álii áliis sanctióres,
sunt álii áliis melióres.
Quare ergo si unus ab illo,
verbi grátia, justo, sancto
baptizétur, álius ab álio
inferióri mériti apud
Deum, inferióri gradus,
inferióri continéntiæ, in-
ferióri vitæ ; unum tamen
et par et æquále est quod
accepérunt, nisi quia hic
est, qui baptizat?

Te Deum. 20.

Ad Laudes, per Horas,
et ad Vesperas, omnia di-
cuntur sicut in die Epi-
phaníæ, 366. excepta Ora-
tione quæ est. Deus, cujus
Unigenitus. 396.

Si Octava Epiph. occurre-
rit in Sabb., ij. Vesp. erunt
de Ssño Nomine Jesu,

cum Commem. ejusdem
diei Oct. et Dom. II. post
Epiph. tantum. Quando
autem Septuag. venerit in
Dom. I. post Octav. Epiph.,
tunc in j. Sabbato post
Octav., non impedito Festo
ix. Lect., alioquin prima
die post Octav., fit Offic.
de Feria, in qua ponuntur
℞. j. Noct. Dom. II. post
Epiph., et tres Lect. le-
guntur de Homilia ejus-
dem Domin. cum ejus Aña
ad Bened. et Oratione.
De Festo vero semidup-
plici in ea occurr. fit tan-
tum Commem. in utris-
que Vesperis et Laudibus.

DOM. I. POST EPIPH.

quæ est infra Octavam.

In j. Nocturno legitur
Epistola prima ad Corin-
thios secundum superio-
rem Rubricam. 389.

Incipit Epistola prima beá-
ti Pauli Apóstoli ad Co-
rinthios.

Lectio j.

Cap. j.

Aulus vocátus Apó-
stolus Jesu Christi
per voluntátem
Dei, et Sósthene frater,
Ecclésiæ Dei quæ est Co-
rinthi, sanctificátis in Chi-
sto Jesu, vocátis sanctis,
cum ómnibus qui invocant